

**МЕСЯЦА ИУЛИЯ В 15-Й ДЕНЬ.**

**СЛУЖБА СВЯТОМУ РАВНОАПОСТОЛЬНОМУ ВЕЛИКОМУ  
КНЯЗЮ ВЛАДИМИРУ, НАРЕЧЕННОМУ ВО СВЯТОМ  
КРЕЩЕНИИ ВАСИЛИЮ.**

**НА МАЛЕЙ ВЕЧЕРНИ,**

**на Господи воззвах, поставим стихов 4,**

**и поем стихиры, глас 1.**

**Подобен: Небесных чинов:**

Десницею Всевышняго / укреплен великий княже Владимире, / идольскую прелесть отринул еси, славне, / и святым крещением просветився, / светом познания Христова / землю Русскую озарил еси. **[Дважды]**

Начальника нашего во благочестии христианстем, / приидите восхвалим, людие Российстии, / приснославнаго великаго князя Владимира, / идолы поправшаго, / и святым крещением землю Русскую просветившаго.

Светоносная твоя память, равноапостоле, / днесь возсия нам всерадостно, / веселящи души и сердца, / твоего богоразумия добротою, / великий княже Владимире.

**Слава, глас 6. Самогласен:**

Днесь страна Российская, / яко новаго царя Константина тя стяжавши, / светло ликовствует, великий княже Владимире, / радостно память твою торжествующи. / Мы же, чада твоя, молебно вопием ти: / молися, равноапостоле, ко Господу, / спасти и просветити души наша.

**И ныне, богородичен, глас тойже:**

Никтоже притекаяй к Тебе, / посрамлен от Тебе исходит, / Пречистая Богородице Дево: / но просит благодати, / и приемлет дарование / к полезному прошению.

**На стиховне стихиры, глас 2:**

**Подобен: Доме Евфрафов:**

От земных к небесным прешел еси радуясь, / великий княже Владимире, / и почесть восприем от Христа Бога, / Тому молися, / спастися душам нашим.

**Стих: Вознесох избраннаго от людей Моих.**

Лучами богоразумия просветився, / идолы поправ еси, равноапостоле, / Христову же веру / во отечествии твоём насадил еси.

**Стих: Елеем святым моим помазах его.**

Стадо твое соблюди, / егоже ко Христову познанию привел еси, / великий княже Владимире, / и державу Российскую в мире сохраняй присно.

### **Слава, и ныне, глас 8. Самогласен:**

**П**риидите возрадуемся, / Заступницу рода нашего воспевающе днесь, /  
Пречистую Деву Богородицу, / Ейже великий князь Владимир храм пречестен  
созда, / и десятину тому от имений своих даяше, / емуже подражающе, / вместо  
десятины, / песни хвалебныя Ей принесем, / зовуще и глаголюще: / Палато Слова,  
и светлый Чертоже всех Царя, / сподоби нас смиренных Покрова Твоего, / и буди  
нам Помощница, во спасении душ наших.

## **НА ВЕЛИЦЕЙ ВЕЧЕРНИ.**

### **На Господи воззвах, стихиры на 8, глас 4:**

#### **Подобен: Яко добля:**

**В**торый ты был еси Константин, словом и делом: / он во христианское время родился, / и многа лета во еллинстве сотворил ешь. / Ты же от язык родився, / но возлюбил еси Возлюбившаго тя Христа, / к Немуже возшел еси радуяся. / Егоже моля не престай, / о чтущих память твою.

**В**еселится вечно светло / сияющи гора Синайская, / Моисейским освятившиися законом, / Невидимаго видевши. / Светло же сияя веселится и радуется великий град твой, / О Владимире: / не яко во мраце, / но яко в Дусе Сына со Отцем / видя в себе славима. / Егоже моли, спасти и просветити души наша.

**Я**коже отец духовно, / царь же чувственно, / Российским людем был еси, Владимире: / истинный же проповедатель, / яко апостол Христов, провозвестил еси / спасительное крещение, / и тем светло просветив, / освятил еси люди твоя во всех странах / царствия твоего, блаженне.

**К**орень правоверия ты был еси, Владимире, / напоен же Духом Пресвятым, / возрадивый нам ветви богосажденней, / цвет благоухания источающи, / Бориса чуднаго, и Глеба ревнителя благочестию, / кипящий всем верным обильно чудесы. / С нимаже предстоя Христу, / молися спасти и просветити души наша.

#### **Слава, глас 8:**

**П**риидите стецемся вси / в честней памяти отца русскаго, / наставника нашего Владимира: / сей бо от язык родися, / и возлюби Возлюбльшаго и' Христа, / к Немуже взыде радуяся, / с праматерию своею Ольгою. / Вся бо люди своя научи веровати, / и поклонятися в Троице Единому Богу, / идолы же разрушив попра, / и израсти нам свои честней леторасли, / Бориса и Глеба. / Темже и мы светло ныне песньми память их верно чтуще, / любовию празднуем: / да молятся о нас ко Господу: / императору нашему подати победы на поганья врази, / и умирити весь мир, и спасти души наша.

#### **И ныне, Богородичен:**

**Ц**арь Небесный, за человеколюбие на земли явися, / и с человеки поживе: / от Девы бо Чистыя плоть приемый, / и из Нея прошедый с восприятием. / Един ешь Сын, сугуб естеством, / но не Ипостасию. / Темже совершенна Того Бога и совершенна Человека / воистину проповедающе, / исповедуем Христа Бога нашего: / Егоже моли Мати Безневестная, / помиловатися душам нашим.

#### **Вход, прокимен дне. И чтения три, писаны маиа в 21 день.**

#### **На литии стихира храма. Таже святаго, глас 2:**

**Д**несь возсия благочестиваго князя Владимира память, / яко мудро излиянное: / Христа бо возлюбив, идолы преобидев, / церкви Распеншемуся нас ради / на земли воздвиже, / и на Небесех прият Царство и венец.

### **Слава, глас 6:**

Приидите, стеемся вси верно / к честней памяти отца русскаго, / наставника нашего Владимира: / сей бо от язык родися, / и возлюби Возлюбльшаго и Христа: / к Немуже и взыде радуясь с праматерию Ольгою. / Тем и мы любезно празднуем, / молящися молитися о нас ко Господу, / умирити мир, и спасти души наша.

### **И ныне, Богородичен:**

Творец и Избавитель мой, Пречистая, / Христос Господь, / из Твоих ложесн прошед, / в мя Оболкийся, / первыя клятвы Адама свободы. / Темже Ти, Всечистая, / яко Божии Матери же и Деве воистинну, / вопием немолчно: / радуйся Ангельски, / радуйся, Владычице, / Предстательство и Покрове / и Спасение душ наших.

### **На стиховне стихиры, глас 8:**

#### **Подобен: О преславнаго чудесе!**

О преславнаго чудесе! / величавый разум погубляется днесь, / и рыдают вся лукавая воинства, / видяще ветвь сущу вседичну, / силою Божиею богонасажденну и прославляему, / и светло венчаваему от Бога, / великаго Владимира, / нашего вернаго начальника.

**Стих:** Вознесох избраннаго от людей Моих.

Дивная чудес пучина, / жестосерднии бо разумом, / иже вотще шатахуся, от лица днесь Владимирова, / веселятся в честней церкви: / и царствует Христос Бог, / обрет его яко Павла прежде, / и постави князя верна на земли Своей, / просветившаго люди своя честным крещением.

**Стих:** Елеем святым Моим помазах его.

Радуйся, русская похвало. / Радуйся, верным правителю. / Радуйся, божественный Владимире, начальниче наш. / Радуйся, веры забрало. / Радуйся, чудо чудесем преславное, / и притекающим пристанище тихое. / Радуйся, всесвятый кореню веры, / и молебниче о поющих тя, / и величающих верно.

### **Слава, глас 8:**

Начальника благочестия и проповедника веры, / и князей русских верховнаго, / днесь русстии собори сошедшеся, / восхвалим великаго Владимира: / апостолом равнаго, хвалами и песнями духовными / венчаим его, глаголюще: / радуйся, Христов воине прехрабрый, / яко томителя врага до конца погубив, / и нас от лести его избавив, / привел еси Царю Христу Богу. / Но, о преблаженне и всехвальне! / Мир и здравие, и твердую державу моли подати императору нашему, / и на поганья победы, / и душам нашим велию милость.

### **И ныне, Богородичен:**

Владычице, прими молитвы раб Твоих / и избави нас / от всякия нужды и печали.

### **Тропарь, глас 4:**

**У**подобился еси купцу, / ищущему добраго бисера, славнодержавный  
Владимире, / на высоте стола сидя матери градов богоспасаемаго Киева: / испытуя  
же и посылая к царскому граду увести православную веру, / обрел еси  
безценный бисер, / Христа, избравшаго тя яко втораго Павла, / и отрясшаго  
слепоту во святей купели душевную, / вкупе и телесную: / темже празднуем твое  
успение людие твои суще. / Моли спастися державы твоя Российския  
начальником, / христолюбивому императору, и множеству владомых.

### **Ин тропарь, глас 1:**

**Я**ко начальнику Крещения, и кореню веры Божественныя, / идолов  
разрушителю, блаженне княже Василие равноапостольне, вопием ти: / слава  
вразумльшему тя Христу Богу, / слава освятившему тя Крещением Своим, / слава  
просветившему тобою всю страну Русскую.

### **Ин тропарь, глас 8:**

**П**равоверия наставниче и всея Руси просветителю, / благочестивый великий  
княже Владимире, / святым Крещением всех просветил еси, / и церкви многи  
славны украсил еси, о премудре Василие, / Христа Бога моли спастися душам  
нашим.

### **Слава, и ныне: Богородичен:**

**Е**же от века утаенное, / и ангелом несведомое таинство: / Тобою Богородице  
сущым на земли явися Бог, / в неслитном соединении воплощаемь, / и крест  
волею нас ради восприим, / имже воскресив первозданнаго, / спасе от смерти  
душы наша.

## **НА УТРЕНИ**

**на Бог Господь, тропарь дважды: и Богородичен.**

**По 1-м стихословии седален, глас 1:**

**Я**ко начальнику и кореню веры, / и идолов разрушителю, блаженне княже, / равноапостольне Владимире, / вопием ти: моли Христа Бога / грехов оставление даровати, / празднующим любовию святую память твою. **[Дважды]**

**Слава, и ныне, Богородичен:**

**Н**астави нас на путь покаяния, / уклоньшыя присно к безпутием зол, / и Препллагаго прогневавшыя Господа, / Неискусобрачная Благословенная Марие, / Прибежище отчаянных человек, Божие Жилище.

**По 2-м стихословии седален, глас 8:**

**Н**аучився неизреченною / от Бога вышнюю мудростию, / богато к разуму веры Его достигл еси, / и к доброте его скоро притекл еси. / Темже изяснил еси умныя твоя очи, / и к разуму возвел еси благочестия веры. / Того ради празднующе глаголем: / Благословен Бог, просветивый светом разумным сердце твое, / светильниче светлый Владимире: / моли Христа Бога, / грехов оставление даровати, / чтущим любовию святую память твою. **[Дважды]**

**Слава, и ныне, Богородичен:**

**Г**реховный мрак покрывает мя, / и студная моя дела без воздержания выну, / и совестное томление непрестанно мучит мя: / увы мне, где убо ныне скрыюся? / к кому ли притек паки обрящу помощь? / токмо к Тебе Богоматери припадаю, / и молюся Ти: / моли выну спастися душам нашим.

**Полиелей, таже величание:**

**В**еличаем тя, святой равноапостольный княже Владимире, и чтим святую память твою, идолы поправшаго и всю Российскую землю святым крещением просветившаго.

**Седален полиелейный, глас 4:**

**С**корое и твердое стяжал еси / тщание ко истинней вере Христове: / и обрет купель Богомысленную и духовную, / скоро притекл еси любовию: / скверну прегрешений очистив, / люди своя освятил еси: / молися Христу Богу, спастися душам нашим.

**Слава:**

**С**коро предвари, княже, / верных наставниче: / врази бо хулят и претят нам, / Христов угодниче. / Погуби верою твоею борющыя с нами, / да навькнут и тии славити твою память: / нас же поющих тя / спасай от всякаго гнева.

**И ныне, Богородичен:**

Слово Отчее, Христа Бога нашего, / от Тебе Воплотившагося познахом, / Богородице Дево, Едина Чистая, / Едина Благословенная: / тем непрестапно Тя воспевающе величаем.

#### **Степенна, глас 4. Антифон 1-й, ихже стихи повторяюще поем:**

**От** юности моя / мнози борют мя страсти, / но Сам мя заступи, / и спаси Спасе мой.

**Ненавидящи** Сиона, / посрамитесь от Господа, / яко трава бо огнем / будете изсохше.

**Слава и ныне:** / Святым Духом / всяка душа живится, / и чистотою возвышается, / светлеется Троическим Единством священнотайне.

#### **Прокимен, глас 4:**

**Прокимен:** Вознесох избраннаго \* от людей Моих.

**Стих:** Ибо рука Моя заступит его и мышца Моя укрепит его.

**Всякое** дыхание:

#### **Евангелие от Иоанна, зачало 36.**

**Рече** Господь Своим учеником: **А**зъ ѣсмь двѣрь: мною ѿще кто внидетъ, спсѣтсѧ, и внидетъ и изыдетъ, и пажитъ ѡбръщеть. **Т**ать не приходитъ, развѣ да ѡукрадетъ и ѡвѣетъ и погвѣтитъ: азъ прїидохъ, да животъ имѣтъ и лишше имѣтъ. **А**зъ ѣсмь пастырь добрый: пастырь добрый дѣшѡ своѡ полагаетъ за ѡвцы: а наемникъ, иже нѣсть пастырь, емѡже не сѣтъ ѡвцы своѡ, видитъ волка грядѡща и ѡставляетъ ѡвцы и вѣгаетъ, и волкъ расхититъ ихъ и распѣдитъ ѡвцы: а наемникъ вѣжитъ, ѡкѡ наемникъ ѣсть и нерадитъ ѡ ѡвцахъ. **А**зъ ѣсмь пастырь добрый: и знаю моѡ, и знаютъ мѡ моѡ: ѡкоже знаетъ мѡ оцъ, и азъ знаю оцѡ: и дѣшѡ моѡ полагаю за ѡвцы. **И** ины ѡвцы имамъ, иже не сѣтъ ѡ дворѡ сегѡ, и тѣмъ мѡ подобаетъ привести: и гласъ мой ѡуслышатъ, и вѣдетъ единое стадо (и) единъ пастырь.

#### **По 50-м псалме стихира, глас 8:**

**Апостолом** ревнителя Владимира, / преблаженнаго отца и учителя сошедшесѧ восхвалим. / имже Христа Бога познахом, / и от тьмы к свету приближающесѧ, / очи и сердца просвещаем: / в память его ликовствующе, / купно веселимся, / обретше его вожда правоверна / в Царствие Небесное.

Канон Богородицы, параклисис на 6: [ему же ирмос: Воду прошел: тропарь же: Многими содержимь напастыми:] и святого канона два, на 8.

### Канон первый, глас 8:

#### Песнь 1.

**Ирмос:** Посеченый несекомаго пресече, / и виде солнце землю, / юже не виде, лютаго врага вода потопи, / и непроходимое пройде Израиль, / песнь же воспевашеся: / Господеви поим, славно бо прославися.

Собезначальное Слово Божие, Иже древле четырем стихиям Творец, и теми весь мир связавый, связанную страстьми душу мою разреши, яко да воспою ликуя славнаго князя Владимира.

**От** выспрь сошед, Владыко, невещественно на духовную гору, свыше послы просящим от тебе обильну светлость душам, достодолжно похвалити чуднаго князя Владимира.

**Богородичен:** Матерем и девам похвала Ты, Владычице, рождающая жизнь Творца миру, матерских же болезней не ощутила еси, но Мати убо, и Дева пребыла еси. темже хваляще Тя, радуйся, вопием Ти.

### Другий канон, глас 6.

#### Песнь 1.

**Ирмос:** Яко по суху пешествовав Израиль, / по бездне стопами, / гонителя фараона / видя потопляема, / Богу / победную песнь / поим, вопияше.

Приидите, вернии, песнь духовную возопиим, и прославим Христа, Иже светло прославил есть честнаго Владимира, великаго князя.

Иже семя сеющему Даруй, Ты и мне даруй слово, Дателю благих, разрешая ми союз языка, и обнови, Спасе, к славословлению верно.

Иже волею, а не нуждею к Тебе всех призываеши, якоже древле Моисеа и Исаию: такожде и ныне в сердце возгласил еси вернаго, и достохвальнаго князя.

**Богородичен:** Украшена добротою добродетелей, Богомати Чистая, Бога Истиннаго зачала еси, нас Божественными добродетельми просветившаго.

**Катавасия:** Отверзу уста моя, / и наполнятся Духа, / и слово отрыгну Царице Матери, / и явлюся светло торжествуя, / и воспою радуясь Тоя чудеса.

#### Песнь 3.

**Ирмос:** Утвердися сердце мое во Господе, / вознесся рог мой в Бозе моем, / расширишася на враги моя уста моя, / возвеселихся о спасении Твоем.

Яко труба богогласная, возгласи язык твой, блаженне, духовный, провозглашая всем концем земли Российския Христово правоверное крещение, имже просвещен быв, мир весь просветил еси.



Сияет днесь, Владимире, преславная память твоя, юже празднует христоименитый император, тебе похваляя своего праотца, купно же и людие, ихже к свету разумному привел еси.

**Богородичен:** Сень закона преиде Рождеством Твоим, Богородице, благодати пришедши, Отчу Слову Христу Богу нашему: Егоже познав славный князь, Церковь Твою светло украсил есть.

### **Ин.**

**Ирмос:** Несть свят, якоже Ты, / Господи Боже мой, / вознесый рог верных Твоих, Блаже, / и утвердивый нас на камени / исповедания Твоего.

Иже Павла просветивый, и избранна сотворивый, тако и Владимира ныне, отца российского, очный недуг отторгнул еси, милостиве, твоим крещением.

Константина вернаго подобник явился еси, Христа в сердца твоем приим, и Его заповедем, якоже апостол, всю землю Российскую научил еси.

Божественною силою ты возмогая, безбожнаго перуна, кушу бесовскую сокрушил еси, и ко опаши констей того привязав, повелел еси воином бити идола.

**Богородичен:** Сень Святую обрет Марию Деву Божий Сосуд Владимир князь великий, апостола Павла ревнитель, сей церковь Божественную в Тоя имя воздвигл есть.

**Катавасия:** Твоя песнословцы Богородице, / живой и независтный источнике, / лик себе совокупльшия, духовно утверди, / в божественней Твоей славе / венцев славы сподоби.

### **Седален, глас 2.**

В молитвах бдяй присно радостною душею, Владимире, / того ради почерпл еси Духа премудрости / от Источника сходящаго свыше. / Тем верою просияв яко солнце, / моляся Христу непрестанно: / ускори, Щедрый, / и потщися спасти от прегрешений мир.

### **Слава, и ныне, Богородичен:**

Богородице Безневестная, Чистая, / Яже без семене Рождшая всех Владыку, / Того со ангелы моли избавитися нам / от всякаго недоумения, / и дати умиление и свет душам нашим, / и согрешений очищение, / Яже едина вскоре заступающая.

### **Песнь 4.**

**Ирмос:** Пророк Аввакум умныма очима провиде, Господи, / пришествие Твое, тем и вопияше: / от юга придет Бог. / слава силе Твоей, / слава низхождению Твоему.

Светло бысть и сладко по облаце, имже покрывашеся, небесное солнце: весела же и радостна весна по зимней скорби: ты же по облаце идольскаго мрака, крещением яко солнце светлое возсиял еси нам, Владимире.

Савл фарисей к Дамаску грядый, малым блещанием великаго света ослеплен, крещением же просветися: емуже ты подобник был еси, славне, Корсуня дошед очный мрак отгнал еси.

**Богородичен:** Ты явилася еси, Дево, корень ненапоен прозябая отпущение, плод светоносный рождши Христа Бога нашего: дряхлюющую страстьми душу мою просвети и испроси грехов оставление.

**Ин.**

**Ирмос:** Христос моя сила, / Бог и Господь, / честная Церковь / боголепно поет зывающи, / от смысла чиста / о Господе празднующи.

Чудо страшное и преславное и неизглаголанное совершает Владыка Христос: обновляет бо Божественным крещением всю Российскую землю, и просвещает князя Владимира.

Светло приидите, и достолепно возгласите, сынове Российстии, ко отцу нашему Владимиру, и память его верно вси да празднуем светло.

Отчее нечестие отгнал еси, всечестныя же твоя праматере правоверную веру возлюбил еси, равне апостолом Христовым, княже великий Владимире.

**Богородичен:** Яко дверь приводящую к Божественному входу рая светлаго, яко мысленное место священия, яко доброту Иаковлю, Деву ублажаем.

**Катавасия:** Седяй в славе, / на престоле Божества, во облаце легце, / прииде Иисус Пребожественный, / нетленною дланию, и спасе зовущия: / слава, Христе, силе Твоей.

**Песнь 5.**

**Ирмос:** Господи Боже наш, / мир даждь нам, Господи Боже наш, / стяжи ны, Господи, / разве Тебе инаго не вемы, / Имя Твое именуем.

Радуйся и красуйся Духом, великий княже Владимире, изрядней бо ветви богосадней ко Христу принесл еси, богоизрядный твой плод, Бориса славнаго, и Глеба благочестиваго: с нимаже предстоя Христу, о нас молися.

Дивная прорече Исаиа на Иерусалим: будет яве гора Господня, и дом на версе гор. Праведне же на тебе разумехом благодать Духа: дом бо Владыце создал еси на версе гор.

**Богородичен:** Проповедует чудная о Тебе Исаиа Духом, Девою хотящу родити Христа без семене: Давид же твой прадед дивно провозвести Твоя величества: спасе бо нас яко Милостив.

## **Ин.**

**Ирмос:** Божиим светом Твоим, блаже, / утренующих Ти души / любовь озири, молюся, / Тя ведети, Слове Божий, / Истинного Бога, / от мрака греховнаго взывающа.

Днесь ангели Божии радуются светло на Небесех в память твою святую: спасл бо еси нас от всякаго лукавства, и жертв бесовских люди мнози избавил еси, и всю землю Российскую.

Рыдает бесовское множество и темное соборище, видяще на земли попираемы идолы, иже на погибель воздвиженныя человеком: ихже Божиим повелением, Владимире, сокрушил еси.

Радуйся и веселися, рабе Христов, княже великий и мудрый, молебниче о душах наших: тобою бо мы вси избавлены есмы бесовския лести. Темже радуйся, вопием ти.

**Богородичен:** Чистотою сияющи издалеча Божественное уготование Владычне, Всепетая, бывши: Ты бо Едина показала еси Мати сущи Богу, и руками яко Младенца Того носивши.

**Катавасия:** Ужасошася всяческая / о божественней славе Твоей: / Ты бо Неискусобрачная Дево, / имела еси во утробе над всеми Бога, / и родила еси Безлетнаго Сына, / всем воспевающим Тя / мир подавающая.

## **Песнь 6.**

**Ирмос:** Яко воды морския, Человеколюбче, / волнами житейскими обуреваюся. / Темже яко Иона, тако вопию Ти: / возведи от тли живот мой, / Благоутробне Господи.

Благочестия ревнитель славнаго царя Константина ты был еси, Владимире, просветившаго крещением еллинский род: ты же духовною банею люди твоя пресветло обновил еси.

Осладив любовь Христовою душу, и разумныя прием криле, прелетел еси идольский мрак, и разгнал еси тьму зловерия, блаженне, вселився в чертог Спаса всех Бога.

**Богородичен:** Благодушствует правоверный император Российский днесь, и правоверных собори, в память пресветлую Владимира ублажающе твое безсеменное Рождество, Дево, и прилежно Сыну Твоему молящися зовут: Тя величаем.

## **Ин.**

**Ирмос:** Житейское море, / воздвигаемое зря / напастей бурею, / к тихому пристанищу Твоему притек, вопию Ти: / возведи от тли живот мой, / Многомилостиве.

Силою Божиею поправлен есть сатана душегубец, и лестныя его жертвы: победника бо явил нам есть Христос, Владимира вернаго князя, сокрушити и поврещи того под ноги наша.

**Спасе** прежде Господь рукою Моисевою Израиля от работы: тойже и ныне рукою Владимира, вернаго князя, всех нас от лести идольския спасл есть.

**Достойно** ти взываем, и вопием вси: радуйся, всечестне преблаженне, тя бо избавителя с Богом, Владимире, имамы. Не презри рабов твоих, но присно сохраняй нас.

**Богородичен:** Обретохом, Пречистая, Тобою Спасение, Дево Препетая: Егоже желают ангели на небесех видети, Сей ныне видится в недрах Твоих Младенец, Бог наш.

**Катавасия:** Божественное сие и всечестное / совершающе празднество / богомудрии Богоматере, / приидите руками восплещим, / от Нея рождшагося Бога славим.

### **Кондак, глас 8:**

**Подобствовав** великому апостолу Павлу, / в седилах, всеславне Владимире, вся яко младенческая мудрования, / яже о идолех тщания оставль, яко муж совершенный, / украсился еси Божественнаго крещения багряницею: / и ныне Спасу Христу в веселии предстоя, / моли спастися державы Российския начальником, и множеству владомых.

**Икос:** Просветивый древле Израиля Моисейским законом, просветил еси мир явлением Твоего Пришествия, Христе Боже, богогласныя Твоя ученики послал еси проповедати по странам, еже от Девы Безсеменное Рождество Твое: и тем повелел еси крестити, во имя Отца и Сына и Святаго Духа. Обветшавшу же видя страну русскую грехом, Дух Твой послал еси, в крепкоразумнаго душу славнаго Владимира, познати Тебе Единаго от Троицы Христа Бога, и Твоим Крещением просветити избранныя Твоя, и от Тебе порученныя ему люди и привести к Тебе верою вопиющыя: избави от сопротивных поган Твое достояние, российскийския начальники и множество владомых.

### **Песнь 7.**

**Ирмос:** Халдейския печи всепагубную / силу угасивше, / образом ангела снизшедшаго, / Зиждителю юноши взываху: / благословен еси и хвальный Боже отец наших.

**Праотчи** богоистканныя мя ризы, враг душегубец обнажил есть: Иисус же Безначальный явлейся плотию, очистив водою Духа, паки мне подаде ю. Егоже познав, славне Владимире, веселишися вопия: благословен Бог отец наших.

**Моисейский** сохранив закон, Даниил боговидения сподобися: праотческия же ты поправ идолы, не яко во мраце, но в большей славе, разумно узрел еси Христа со Отцем и Духом, крещением же просвещен, веселишися вопия: благословен Бог отец наших.

**Богородичен:** Божественныя обнажи одежды враг, прельстив первозданнаго прадеда Твоего, Дево, из боку же Твоею чистою и неискусобрачною прошед, Спасе Сладкий мой Иисус: на Негоже потек аки на Адама. Но Богу приразися, и сокрушился люте. Мы же Сыну Твоему зовем: благословен Бог отец наших.

## **Ин.**

**Ирмос:** Росодательну убо пещь содела ангел / преподобным отроком, / халдеи же опаляющее веление Божие, / мучителя увеща вопити: / благословен еси, Боже отец наших.

**Елены** ты новья любовию известился еси, внук быв преблаженный Ольги: Константин же великий новый явился еси, Христу, Владимире, вопия: благословен еси Боже отец наших.

**Лютый** льстец двизаше тя на христианы воевати: превеликий же Господь в Корсуне тя просвещает, и Крещению Божественному сподобляет: и Царствие Небесное тебе даровал есть.

**Обетшавшую** леть бесовскую прогнал еси, яко великий Христов ученик, обновив просветил еси всех нас, вопити Господеви немолчно: благословен Бог отец наших.

**Богородичен:** От родов Тя всех избрал есть Бог Превечный прежде век, и в последняя дни плоть прием от Тебе, совершен вкупе явися Бог и человек, Приснодево.

**Катавасия:** Не послужиша твари богомудрии / паче Создавшего, / но огненное прещение мужески поправше, / радовахуся поюще: / препетый отец Господь и Бог благословен еси.

## **Песнь 8.**

**Ирмос:** Покрываяй водами / превыспренняя своя, / полагаяй морю предел песок, и содержи вся, / Тя поет солнце, / Тя славит луна, / Тебе приносит песнь вся тварь, / яко Содетелю всех во веки.

**Род** праведных благословится, Божественная вещаша уста, еже на тебе сбытся, блаженне: семя бо святолепное и Богоизбранное принесл еси Христу непобедимая мученика имаже просветил еси землю Российскую: ихже похваляюще с тобою, превозносим Христа во веки.

**Мати** всех градов воистинну царства твоего град явися Киев, в немже Христос прежде со Отцем и Духом прославися твоею праматерию и тобою, блаженне, идеже мужественное твое тело лежит светло в церкви Владычицы: мы же, людие твои, хваляще поем Христа во веки.

**Богородичен:** Безначальное Сияние и слово Отчее проповедаша неложно пророчестии гласи, из Тебе хотящаго без тли родитися Еммануила, Бога же и Человека, крепкое языков чаяние: Емуже яко Мати молися спастися нам.

## **Ин.**

**Ирмос:** Из пламене преподобным росу источил еси, / и праведнаго жертву водою попалил еси: / вся бо твориши, Христе, токмо еже хотети. / Тя превозносим во вся веки.

**От** безбожных идолов всех нас избавил еси: ко Христу же Богу привел еси, отче верных князей, наказателю стад твоих, Христа поющих во веки.

**Константин** новый ты известился еси во всей Русстей земли, блаженне Владимире: ты бо Имя Христово изяснил еси, Егоже превозносим во веки.

**Царю** Вечному ныне ты предстоиши, и десницею Его венчан еси: молися Ему за недостойныя рабы твоя, яко да поем Его, и превозносим во веки.

**Богородичен:** Облак Слова Ты еси, Препетая, и Свеща солнечная, колесница многоценная, девическое возвышение, горо тучная и усыренная, пребываеши Пречистая Дево господоименитая.

**Катавасия:** Отроки благочестивыя в печи, / Рождество Богородичо спасло есть, / тогда убо образуемое, / ныне же действуемое, / вселенную всю воздвизает пети Тебе: / Господа пойте дела, / и превозносите Его во вся веки.

### **Песнь 9**

**Ирмос:** Ужасеся о сем небо, / и земли удивишася концы, / яко Бог явися человеком плотски, / и чрево Твое бысть пространнейшее небес. / Тем Тя Богородицу / ангелов и человек чиноначалия величают.

**Давид** обретесе прежде Израилю державный царь, и люди спасе, боги иноязычныя низложив, Духом Божия Сына проповеда: ты же в Троице познал еси Бога, блаженне Владимире, Егоже величаем.

**Да** торжествуют днесъ весело память твою, святолепно в церкви Божия Матере, Богоизбраннии людие, юже любезно украсил еси, в память вечную твоего преставления, небо земное: в немже почивая, ожидаеши всестрашныя трубы архангеловы, блаженне. Тем тя присно величаем.

**Богородичен:** Духом Божественным распляеми вси роди, любовию блажим Тя, Богородице: ты бо клятву праматере разрушила еси. Прилежно же поем Божия Слова: Того бо неопально во чреве Твоем приемши, родила еси плотию. к Немуже молися избавитися верному Твоему стаду от всякия нужды и печали.

### **Ин.**

**Ирмос:** Бога / человеком не возможно видети, / на Негоже не смеют чини ангельстии взирати: / Тобою же, Всечистая, явися человеком / Слово Воплощенно, / Егоже величающе, / с небесными вои Тя ублжаем.

**Сладок** якоже финикс, высок изращаемь, и цвет творя масличный, ветви многоплодныя, ты бываеши винное изращение, кисти две созреле, мученика принося, Бориса и Глеба честная.

**Лицы** князей ныне благородных предстоят, от тебе благочестие носяще, с людьми верными хваляще тя: наставниче и скорый заступниче, поминай всех нас, яко да в мире тобою живот обрящем.

**Людие** Российстии, приидите снитесь в честней церкви Владимира святого, нареченнаго Василиа, преблаженнаго, великаго князя, угодника Христова преславнаго, и примите живот и спасение, благодать и велию милость.

**Богородичен:** Бога, Дево, ты родила еси на земли, во плоти соединение бысть безплотное, во единой Впостаси, и во Двою Естеству: да спасет всех нас, кланяющихся верно, яко Богородице Пречистой.

**Катавасия:** Всяк земнородный / да възиграется Духом просвещаемь, / да торжествует же безплотных умов естество, / почитающее священное торжество Богоматере, / и да вопиет: / радуйся всеблаженная / Богородице, Чистая Приснодево.

**Светилен:**

**Подобен: Жены услышите:**

Светильницы, просветивше вселенную всю благочестием и верою, вы явистесь воистинну, Боговенчанне Владимире, с праматерию Ольгою славною. иже вас возлюбившаго Христа и мы славословим, Дивнаго во святых. **[Дважды]**

**Слава, и ныне, Богородичен:**

Во двою волю и естеству. Пренепорочная, во единой же Впостаси раждаеши Бога неизреченно, нас ради обнищавшаго до распятия хотением, и даровавшаго нам богатство Божественное, Богомати Дево.

**На хвалитех стихиры, на 4, глас 4:**

**Подобен: Дал еси знамение:**

Оружие крепкое князю нашему дал еси, Господи, / Крест Твой честный, / имже поживе на земли праведно, / просияв благочестием, / и Царству Небесному сподобися милосердием Твоим. / Темже Твое человеколюбное смотрение славим, / Иисусе Всесильне, / Спасе душ наших. **[Дважды]**

Дал еси Человеколюбче, / благочестивому твоему угоднику, / Соломонову мудрость, Давидову кротость, / и апостольское православие, / яко царей Царь, и господствующих всех Господь. / Темже Твое человеколюбное смотрение славим, / Иисусе Всесильне, / Спасе душ наших.

Первый повинул еси багряницу, / приснопомнимый княже, волею Христу, / Того познав Бога, и яко Царя всех Благодетеля, / победы творя всякому началу, и властилежащым. / Отсюда тебе христолюбче царство исправил есть, / Иисусе Человеколюбец, / Спас душ наших.

**Слава, глас 2:**

Не от человек звание приял еси, / но яко чудный Павел: / приял же паче славне сие свыше / Владимире апостоле от Христа Бога. / ибо знамением Креста оградився, / и тем уловлен быв, / яко предобрая ловитва, / сим победитель на видимыя и невидимыя враги / явился еси непобедимь. / Темже молим тя, / яко молитвенника тепла земнороднии, / по достоянию память твою почитающе, / со дерзновением просити нам просвещение, и очищение, / и велию милость.

**И ныне, Богородичен:**

**Славословие великое. И отпуст.**



## **НА ЛИТУРГИИ:**

### **Блаженна от обою канонов: 1-го песнь 3-я, и 2-го песнь 6-я.**

1. **Я**ко труба богогласная, возгласи язык твой, блаженне, духовный, провозглашая всем концем земли Российския Христова правоверное крещение, имже просвещен быв, мир весь просветил еси.
2. **С**ияет днесь, Владимире, преславная память твоя, юже празднует христоименитый император, тебе похваляя своего праотца, купно же и людие, ихже к свету разумному привел еси.
3. **И**же Павла просветивый, и избрана сотворивый, тако и Владимира ныне, отца российского, очный недуг отторгнул еси, милостиве, твоим крещением.
4. **К**онстантина вернаго подобник явился еси, Христа в сердца твоем приим, и Его заповедем, якоже апостол, всю землю Российскую научил еси.
5. **Б**лагочестия ревнитель славнаго царя Константина ты был еси, Владимире, просветившаго крещением еллинский род: ты же духовною банею люди твоя пресветло обновил еси.
6. **О**сладив любовию Христовою душу, и разумныя прием криле, прелетел еси идольский мрак, и разгнал еси тьму зловерия, блаженне, вселився в чертог Спаса всех Бога.
7. **С**илою Божиею попраи еси сатана душегубец, и лестныя его жертвы: победника бо явил нам еси Христос, Владимира вернаго князя, сокрушити и поврещи того под ноги наша.
8. **С**пасе прежде Господь рукою Моисевою Израиля от работы: тойже и ныне рукою Владимира, вернаго князя, всех нас от лести идольския спасл еси.

### **Тропарь, глас 4:**

**У**подобился еси купцу, / ищущему добраго бисера, славнодержавный Владимире, / на высоте стола седя матере градов богоспасаемаго Киева: / испытуя же и посылая к царскому граду уведети православную веру, / обрел еси безценный бисер, / Христа, избравшаго тя яко втораго Павла, / и отрясшаго слепоту во святей купели душевную, / вкупе и телесную: / темже празднуем твое успение людие твои суще. / Моли спастися державы твоя Российския начальником, / христоролюбивому императору, и множеству владомых.

### **Кондак, глас 8:**

**П**одобствовав великому апостолу Павлу, / в седилах, всеславне Владимире, вся яко младенческая мудрования, / яже о идолех тщания оставль, яко муж совершенный, / украсился еси Божественнаго крещения багряницею: / и ныне Спасу Христу в веселии предстоя, / моли спастися державы Российския начальником, и множеству владомых.



### Прокимен, глас 3:

**Прокимен:** Пойте Богу нашему, пойте: пойте Цареву нашему, пойте.

**Стих:** Все языцы воспещите руками, воскликните Богу гласом радования.

### Апостол к галатам, зачало 200.

**Братіе:** Сказѹ же вамъ, благоуспествованіе благоуспещенное ѿ мене, ѿкъ нѣсть по чловеку: ни во азъ ѿ чловека пріахъ є, ниже надохса, но явленіемъ іисъ хрстовымъ. Слышасте во мое житіе иногда въ жидовствѣ, ѿкъ по премногѹ гонихъ црковь вжю и разршахъ ю, и преспѣвахъ въ жидовствѣ паче многихъ сверстникъ моихъ въ родѣ моемъ, и злиха ревнитель сынъ отеческихъ моихъ преданій. Егда же благоволи бгъ, избравый мѧ ѿ чрева матере моеѧ и призвавый благоудію своею, явити сна своего во мнѣ, да благоуспествю єго во языцехъ, ябѣ не приложихса плоти и крови, ни вздохъ во іерлімъ къ первѣйшимъ менѣ апломъ, но идохъ во аравію, и паки возвратихса въ дамаскъ. Потомъ же по тріехъ лѣтѣхъ вздохъ во іерлімъ согладати петра, и превахъ оу негѹ дній плтнѣдесѧтъ. Иногѹ же ѿ апль не видѣхъ, токмо ѿакѹва брата гднѧ.

**Аллилуя, глас 6:** Вознесох избраннаго отъ людей Моихъ.

**Стих:** Ибо рука Моя заступитъ его, и мышца Моя укрепитъ его.

### Евангелие Иоанна, зачало 35, от полу.

**Рече Господь:** Амѣнь, амѣнь гю вамъ: не входѣи двѣрми во двѣръ овчій, но прелазѧ индѣ, той тѣтъ єсть и разбойникъ: а входѣи двѣрми пастырь єсть овцамъ: семѹ двѣрникъ ѿверзаетъ, и овцы гласъ єгѹ слышатъ, и своѧ овцы глашатъ по имени, и изгонитъ ихъ: и егда своѧ овцы ижденѣтъ, предъ ними ходитъ: и овцы по немъ идѣтъ, ѿкъ вѣдѣтъ гласъ єгѹ: по чждѣмъ же не идѣтъ, но вѣжатъ ѿ негѹ, ѿкъ не знаютъ чждѣгѹ гласа. Сію прѣтчѹ рече имъ іисъ: онѣ же не раздѣша, что бѧше, ѿже глаше имъ. Рече же паки имъ іисъ: амѣнь, амѣнь гю вамъ, ѿкъ азъ єсмь двѣрь овцамъ. Все, єлико (ихъ) пріиде прежде мене, тѣтѣ сѣтъ и разбойницы: но не послѣдѣша ихъ овцы. Азъ єсмь двѣрь: мною ѿце кто внидетъ, спсѣтсѧ, и внидетъ и изыдетъ, и пажитъ ѿвращетъ.

**Причастен:** В память вечную будетъ праведникъ, отъ слуха зла не убоится.